

S'Blingeli & s'Lähmeli

Der Lähmu das isch äbe Eine woni meine,
 dass es guet isch är sig nume Eine,
 wäris zwee wär eine zvü vo Dene woni meine.
 Ursprünglech isch är ganz normau gsi der Lähmu
 Wies s'Läbe so schpüt, hettsne ame schöne Tag eifach inegritte.
 Am Morge ischer uf d'Büetz, wonär nach vier Monet wieder umecho isch,
 isch d'Höufti an ihm kabutt gsi.
 Drum ischs guet äs sig nume Eine dä woni meine
 So hett är äbe no eine brucht und denn ischim der Blingu übere Wäg gloffe.
 Jetz isches äbe Eine und no Eine die woni meine
 Jetz sis äbe Zwe, und nüm nur Eine, die woni meine
 Eine und no so Eine.
 Und beid hei ä chly en Egge ab.
 Aes hett sis Guete,
 dass si so si, die woni meine
 die wäre sich süsch nie begänet
 Dr Lähmu isch d'Büetz vom Blingu.
 So isch beidne ghulfe.
 Lähmu isch nüm so lahm sit ne der Blingu behandelt
 Ab und zue gits ou öppis z'lache. Bi dene woni kenne.
 Ig meine äs sigi keine vo dene woni meine
 Unglücklech, wüus nid so geit wie si sich das hei vorgschtüt.
 Zyt isch Gäut. Und Gäut hei si keis aber derfür ä grossi Porzion
 Geduld und Humor.
 Drum ischs nid so schlimm das dä woni meine
 nume eine isch.
 Wär Lähmu zwe ,de brucht är Blingu nid
 Das wär de bitter
 Wienes Gwitter
 Ohni Rägeschutz.
 Die würde läbe ohni sich z'kenne
 Und wüsste nid was si verpasse die woni meine
 S'Lähmeli und s'Blingeli
 Die zwöi Schlingeli.